



Në mbështetje të nenit 4, dhe 23, të Ligjit për Administratën Shtetërore të Republikës së Kosovës (nr.03/L-189, datë 16.09.2010), neni 7, dhe neni 15 të Ligjit për Arsimin e Lartë në Republikën e Kosovës (Nr. 04/L-037, datë 29.08.2011), Udhëzimin Administrativ për Akreditimin e Institucioneve të Arsimit të Lartë në Republikën e Kosovës (Nr.9/2017, datë 02.08.2017), Këshilli Shtetërorë i Cilësisë (KSHC), në mbledhjen e 58-të, të mbajtur më 23 korrik 2018, mori:

V E N D I M

1. Tërhiqet akreditimi i programeve të studimit të BPrAL Kolegji "Fama" kampusi në Prishtinë:

- Banka, Financa dhe Kontabilitet, MA, 120 ECTS,
- Juridik Civil, LLM, 60 ECTS,
- Juridik Penal, LLM, 60 ECTS,
- Marrëdhënie Ndërkombëtare dhe Diplomaci, MA, 120 ECTS,
- Shkenca Politike dhe Administratë Publike, BA, 180 ECTS,
- Administratë Publike, MA, 120 ECTS, dhe
- Psikologji, MA, 120 ECTS.

2. Tërhiqet akreditimi i programeve të studimit të BPrAL Kolegji "Fama" dega në Gjiilan:

- Ekonomi, BA, 180 ECTS,
- Juridik, LLB, 240 ECTS, dhe
- Psikologji, BA, 180 ECTS.

3. Tërhiqet akreditimi i programeve të studimit të BPrAL Kolegji "Fama" dega në Mitrovicë:

- Ekonomi, BA, 180 ECTS,
- Juridik, LLB, 240 ECTS, dhe
- Psikologji, BA, 180 ECTS.

4. Tërhiqet akreditimi i programeve të studimit të BPrAL Kolegji "Fama" dega në Prizren:

- Ekonomi, BA, 180 ECTS,
- Juridik, LLB, 240 ECTS, dhe
- Psikologji, BA, 180 ECTS.

5. Hiqet masa e pezullimit për programin e studimit:

- Menaxhment, MA, 120 ECTS.

6. Ky vendim hyn në fuqi me nënshkrimin e tij.

Arsyetimi

Bazuar në Udhëzimin Administrativ për Akreditimin e Institucioneve të Arsimit të Lartë në Republikën e Kosovës (tash e tutje UA për Akreditim), neni 21 dhe 26, pika 5.3.4, Agjencia e Kosovës për Akreditim (tash e tutje AKA) me datë 23 maj 2018 ka kërkuar nga të gjitha Institucionet e Arsimit të Lartë (tash e tutje IAL) që ti dorëzojnë listat e stafit akademik për secilin program të studimit. Në afatin e përcaktuar nga AKA, BPrAL Kolegji "Fama" ka dorëzuar listat e kërkuara nga AKA për programet e studimit.

Bazuar ne te dhënat e prezantuara nga ky IAL, për programet e studimit: Banka, Financa dhe Kontabilitet, MA, 120 ECTS, Juridik Civil, LLM, 60 ECTS, Juridik Penal, LLM, 60 ECTS, Marrëdhënie Ndërkombëtare dhe Diplomaci, MA, 120 ECTS, Shkenca Politike dhe Administratë Publike, BA, 180 ECTS, dhe Administratë Publike, MA, 120 ECTS, (sipas kërkesës së AKA-së datë 23.05.2018) konfirmohet se për këto programe të studimit BPrAL Kolegji "Fama" nuk kanë asnjë staf akademik si bartës të programeve të cekura me lartë.

Gjithashtu edhe për programet e studimit: Ekonomi, BA, 180 ECTS, Juridik, LLB, 240 ECTS, dhe Psikologji, BA, 180 ECTS të ofruara në degët e Kolegjit Fama në Gjilan, Mitrovicë dhe Prizren, në bazë të dokumenteve të dorëzuara nga ky institucion, u konstatua që nuk ka staf akademik sipas kërkesave që dalin nga neni 26, pika, 5.3.9. e UA për Akreditim. Sipas kësaj dispozite: "Kriteret e lartpërmendura për stafin akademik apo titujt e barasvlershëm artistik do të kërkojnë edhe për secilin program studimi që ofrohet në degë apo kampuse tjera, përpos kampusit kryesor". Kjo dispozitë i referohet nenit 26, pika 5.3.4.

Sipas nenit 26, pika 5.3.4 kërkohej që: "Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë që për çdo grup të studentëve (të përcaktuar sipas statutit të IAL) dhe për çdo 60 ECTS kredi të programit të studimit, institucioni duhet të ketë të paktën një (1) staf me marrëdhënie të rregullt të punës me titull PhD apo titull të barasvlershëm artistik nga fusha e programit të studimeve". Pra siç mund të shihet nga sa u tha me sipër, kërkohej që për çdo 60 ECTS, IAL duhet të ketë një person në marrëdhënie të rregullt të punës me gradën shkencore PhD dhe të jetë i fushës së programit të studimit.

Për programin e studimit: Psikologji, MA, 120 ECTS, si bartës të këtij programi, BPrAL Kolegji "Fama" kishte vendosur Agron Gashi dhe Qufli Osmani. Pas verifikimit të dokumentacionit për këta persona u konstatua që Agron Gashi është Dr.sc., në Letërsi. Kjo dëshmohej si me diplomën e Universitetit të Tiranës, ashtu edhe me vendimin për nostifikim të diplomës të lëshuar nga Ministria e Arsimit, Shkencës dhe teknologjisë. Andaj ne mungesë të stafit të fushës së studimit, sipas kriterëve të vendosura në nenin 26, pika 5.3.4, KSHC vendosi si ne dispozitiv të këtij vendimi.


Për programin e studimit, Menaxhment, MA, 120 ECTS, pas vlerësimit të dokumentacionit të ofruar nga ky institucion për stafin akademik si bartës të këtij programi, KSHC vlerësoi që ky program ka staf akademik me gradën shkencore Dr.sc., dhe janë të fushës së programit të studimit, dhe mbi këtë bazë, bazuar në nenin 26, pika 5.3.4, vendosi si ne dispozitiv të këtij vendimi.

Sipas nenin 21, pika 1 e UA për Akreditim (9/2017), thuhet se: "AKA e rezervon të drejtën të monitoroj dhe të kontrollojë cilësinë e institucioneve të akredituara në çfarëdo kohe me paralajmërim". Ndërsa sipas pikës 2 të nenit 26 të UA për Akreditim thuhet: "AKA mund të rishqyrtojë akreditimin e dhënë në çfarëdo kohe dhe/ apo më pas të tërheq vendimin e saj për akreditim nëse kushtet e dhëna me rastin e akreditimit janë shkelur". Bazuar në këtë çka u tha me sipër dhe në mungesë të stafit akademik, KSHC vendosi si në dispozitiv të këtij vendimi.

Këshillë juridike: Kundër këtij vendimi pala e pakënaqur mund të paraqitet ankesë sipas nenit 125 dhe 126, të Ligjit për Procedurën e Përgjithshëm Administrative (tash e tutje LPPA) nr. 05/L-31, datë 25 maj 2016. Ankesa kundër këtij akti administrativ i dorëzohet organit i cili e ka nxjerr këtë vendim bazuar në nenit 128 të LPPA, në afatin prej 30 nga dita kur pala është njoftuar për aktin administrativ sipas nenit 127 të LPPA.

Vendimi iu dërgohet:

- BPrAL Kolegji "Fama"
- MASHT;
- Arkivit të AKA-së.


Prof. Dr. Gazmend Luboteni
Kryetar i Këshillit Shtetëror të Cilësisë

